



გორის მუნიციპალიტეტის საკრებულოს

განკარგულება № 21

2025 წლის 14 თებერვალი
ქალაქი გორი

ა(ა) იპ „გორის მუნიციპალიტეტის ფეხბურთის კლუბი გორის“ (ს/კ 417874973) 2022-2024 წლის განვლილი პერიოდის ანგარიშის შეფასების შესახებ

გორის მუნიციპალიტეტის საკრებულოს კომპეტენციას წარმოადგენს მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის კონტროლი, მათი ანგარიშების მოსმენა და შეფასება. აღნიშნული ანგარიშის მოსმენა გაწერილია საკრებულოს სამუშაო გეგმაში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს ა(ა) იპ „გორის მუნიციპალიტეტის ფეხბურთის კლუბი გორის“ (ს/კ 417874973) 2024 წლის განვლილი პერიოდის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს ა(ა) იპ „გორის მუნიციპალიტეტის ფეხბურთის კლუბი გორის“ (ს/კ 417874973) 2024 წლის განვლილი პერიოდის ანგარიში თანდართული №1 დანართის თანახმად (თან ერთვის 3 ფურცლად).
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

საქართველო
ა(ა)იპ „გორის მუნიციპალიტეტის
ფეხბურთის კლუბი გორი“
ელ.ფოსტა info@fcgori.ge
მის. ქ. გორი გურამიშვილის ქ #5
ტელ. 0 (370) 27-08-01 27-81-03



GEORGIA
NLP GORI Municipality
Football Club GORI
email: info@fcgori.ge
address: 5 Guramishvili str.
Telephone: (+995 370) 270801

#7

23 იანვარი 2025 წ.

ა(ა)იპ „გორის მუნიციპალიტეტის ფეხბურთის კლუბი გორის“ 2024 წლის საქმიანობის
ანგარიში

ბატონო დავით,

თქვენს მიერ გამოგზავნილი წერილის პასუხად 21-21250137 გიგზავნით ა(ა)იპ „გორის
მუნიციპალიტეტის ფეხბურთის კლუბი გორის“ 2024 წლის განვლილი პერიოდის ანგარიშს.

2024 წელს საფეხბურთო კლუბი გორი აქტიურად მუშაობდა ინფრასტრუქტურული
პროექტებისა და შედეგების გაუმჯობესების მიმართულებით. ასევე ფეხბურთის
პოპულარიზაციისა და ჯანსაღი ცხოვრების წესის დამკვიდრებისთვის. 2024 წელს გამოიცვალა
მოედნის გარე პერიმეტრი, სრულად განახლდა ღამის განათება, ასევე სრული რეაბილიტაცია
ჩაუტარდა სკოლაში არსებულ შენობის სახურავს, გამოიცვალა შენობაში არსებული წლისა და
საკანალიზაციო მილები.

გურამ გაბუნias სახელობის სკოლის ბუნებრივ საფარიან მოედანზე მოხდა დამატებით
ბალახის შეთესვა, მინდვრის გასაუმჯობესებლად 2024 წლის განმავლობაში ხორციელდებოდა
ქვიშის შეტანა, ბალახი მუშავდებოდა საკვებით და შხამქიმიკატებით, რომელზეც
ინტენსიურად ხორციელდება ასაკობრივი გუნდების ვარჯიშები და თამაშები.

2024 წელს გურამ გაბუნias სახელობის საფეხბურთო სკოლა, რომელშიც ბავშვთა რაოდენობამ
1200-ს გადააჭარბა, აღიჭურვა ინვენტარით, ეკიპირებით, კომპიუტერით, ტელევიზორით, რაც
მწვრთნელებს საშუალებას აძლევს მეტი დრო დაუთმონ ვიდეო განხილვებს და თეორიულ

ვარჯიშებს. სკოლის მწვრთნელებს გადაეცათ სპორტული ეკიპირება (სპორტული ფეხსაცმელი, სპორტული ქურთუკი და ა.შ.).

2024 წელს კლუბის დირექტორის ინიციატივით ხორციელდებოდა საფეხბურთო სკოლის სხვადასხვა ასაკობრივი გუნდების მშობლებთან ყოველთვიური შეხვედრები, რომელთა მიზანია არის კლუბისა და ფეხბურთით დაინტერესებულ მხარეთა შორის კომუნიკაციის გაუმჯობესება და მომავალი ურთიერთობების პროექტების დაგეგმვა, ასევე ერთიანი გეგმის განხორციელება ბავშვთა საფეხბურთო და არასაფეხბურთო განათლების მიღების პროცესში.

2024 წელს საფეხბურთო კლუბი გორი აქტიურად თანამშრომლობდა გორის ამპუტანტ ფეხბურთელთა გუნდთან, ასევე გვყავს ქალთა გუნდი, რომელიც პოპულარიზაციას უწევს გოგონების ჩართულობას ქართულ ფეხბურთში.

გასული წელი დიდი მიღწევა იყო საფეხბურთო სკოლის ასაკობრივი გუნდების წარმატებები.

2024 წელს ბავშვთა ჩემპიონატებში და ტურნირებში პირველი ადგილი დაიკავა შვიდმა გუნდმა, მეორე ადგილი ექვსმა გუნდმა, ხოლო მესამე ადგილი - შვიდმა გუნდმა.

სკოლის ასაკობრივი გუნდები მონაწილეობას იღებდნენ საერთაშორისო ტურნირში ლიტვაში.

2024 წელს წარმატებულად იასპარეზა გორის „გორის“ ფუტსალის გუნდმა, რომელმაც შეძლო პლეიოფში მოხვედრა.

საფეხბურთო კლუბი გორის გორმა 2024 წელს განახორციელა ინფრასტრუქტურული სამუშაოები. ქართლის სტადიონზე განახლდა ბუნებრივი საფარიანი მოედნის დაზიანებული ნაწილები, გაუმჯობესდა სარწყავი სისტემა, სარწყავი წყლის მილები, განახლდა სარწყავი ავზი, გამოიცვალა ტრიბუნის სკამები, ასევე ინფრასტრუქტურული სამუშაოები ჩატარდა გარე პერიმეტრზე.

2024 წელს კლუბში მომუშავე ადმინისტრაციის თანამშრომლებისა და სპორტული პერსონალის კვალიფიკაციებმა სრულად დააკმაყოფილა ლიცენზირების დებულებით დადგენილი მოთხოვნები, კლუბმა ასევე წარმატებით იმუშავა სხვადასხვა სპორტული, სამართლებრივი და ფინანსური მოთხოვნების შესასრულებლად, რის შემდეგაც 2024 წლის ნოემბერში მოიპოვა 2025 წლის სეზონის ლიცენზია, რის შემდეგაც ფეხბურთის განვითარების ფონდიდან დამატებით მივიღეთ დაფინანსება, რამაც ხელი შეუწყო სპორტული ინვენტარის განახლებას.

2024 წელს თენგიზ ბურჯანაძის სახელობის სტადიონზე წარმატებით ჩატარდა საერთაშორისო თამაშები (ქალთა ეროვნული ნაკრების, მსოფლიო შესარჩევი მატჩები, ასევე ახალგაზრდული ნაკრებების საერთაშორისო მატჩები, კონფერენც ლიგის საერთაშორისო მატჩები), რამაც ხელი შეუწყო ლიცენზიის მიღებას.

2024 წელს თენგიზ ბურჯანაძის სახელობის სტადიონზე შეიცვალა სტადიონის განათების სისტემა და მოედნის საფარის დაზიანებული ადგილები, განახლდა ტაბლო და გენერატორი, ტრიბუნის დაზიანებული სკამები, ელექტრო კაბელები, სრული რეკონსტრუქცია ჩატარდა საშაპეებს, გასახდელებს. ადმინისტრაციულ შენობაში შევიძინეთ კომპიუტერები, ტელეფონები, სარეცხი მანქანა (20კგ), მოხდა ინვენტარის განახლება, საოფისე ოთახები აღიჭურვა სკამებითა და მაგიდებით, გამოიცვალა გათბობის სისტემა.

პატივისცემით,

ა(ა)იპ „გორის მუნიციპალიტეტის
ფეხბურთის კლუბი გორი“-ს დირექტორი:



გ. მასილოძე

